



डोगरी संस्था जम्मू



मोहन लाल सपोलिया

मोहन लाल सपोलिया (1931-1992)

डोगरी दे लोक-प्रिय कवि श्री मोहन लाल सपोलिया हुंदा जनम तसील सांबा दे 'देआनी' गांउ च श्रीमती परमेश्वरी देवी ते श्री गुरभगत पाधा हुंदे घर 2 अक्तूबर 1931 ई. गी होआ। सपोलिया होर शुरू-शुरू च अपने पिता जी कन्नै दकान चलांदे हे। सन् 1947 दे बाद इ'नें अपना कम्म शुरू करी लैता। भामें आपूं मते पढ़े-लिखे दे नेई हे पर रचनात्मक, सकारात्मक ते दूरदर्शी सोच दे मालक हे। इ'नें डोगरी च पत्रकारिता दी लोड़ गी मसूसदे होई सन् 1970 च डोगरी दी हफ्तावार पत्रिका 'शंख धुन' प्रकाशत करना शुरू कीती पर माल्ली दुश्चारियें कारण इ'दी एह दूरदर्शी सोच अपने पैरें पर निं खड़ोई सकी। संघर्ष करना इ'दा सुआतम हा, इ'नें हार निं मन्नी ते हालात गी दिखदे होई 'शंख धुन' पत्रिका दा प्रकाशन बंद करिये इस्सै नांउ कन्नै उर्दू अखबार कड़ना शुरू कीता। सपोलिया होरें अपना लेखन कविता कन्नै शुरू कीता ते शुरू-शुरू च लिखिये चौकें च पढ़दे हे ते कताबें च छपाइये बेचदे हे। एह लोकें दी समस्याएं ते उ'दी धड़कनें दी तर्जमानी लोकें दी भाशा च करदे हे, लोक इ'नेंगी सुनन औंदे हे, लोक इ'दी कविता गी पसंद करदे हे। इ'नें बक्ख-बक्ख काव्य-रूपें कन्नै डोगरी कविता-साहित्य गी सगोसार कीता। सजरे फुल्ल (कविता-संग्रह), राष्ट्री भाखां (कविता-संग्रह), रंग रुक्खें दे (गीत-संग्रह), सोध समुन्दरें दी (चमुखा-संग्रह) ते चानना सफर (कविता-संग्रह)- इ'दे एह संग्रह डोगरी काव्य-साहित्य दा अनमुल्ला सरमाया न। सपोलिया होरें गी इ'दे चमुखा-संग्रह 'सोध समुन्दरें दी' आस्तै 1989 ब'रे दे साहित्य अकादमी पुरस्कार कन्नै पुरस्कारत कीता गेदा ऐ ते 'चानना सफर' बी रियासती कल्चरल अकैडमी द्वारा पुरस्कारत ऐ।

2024

जनवरी JANUARY

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

फरवरी FEBRUARY

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29		

13 लोहड़ी 14 उत्तरैन, खिचड़ी 17 गुरु गोबिंद सिंह जयंती 26 गणतंत्र दिन

14 बसंत पंचमी/डोगरी संस्था स्थापना दिन 21 अंतरराष्ट्री मां-भाशा दिन
24 गुरु रविदास जयंती 28 राष्ट्री विज्ञान दिन



डोगरी संस्था जम्मू



राम लाल शर्मा

राम लाल शर्मा (1905-1994)

डोगरी दे वरिष्ठ शायर-गद्यकार, डोगरी संस्था दे साबका ऑफिस सैकटरी श्री राम लाल शर्मा हुंदा जनम तसील सांबा दे गुढा सलाथिया ग्रांड च 13 अक्तूबर 1905 गी श्री लखमन दास हुंदा घर होआ। सन् 1925 च, लौहकी उमरी च गै इ'नेंगी मैहकमा जंगलात च नौकरी थोई गई। अपनी नौकरी दे दौरान इ'नेंगी डुगर दे दूर-दराज दे लाकें च कुदरती वातावरण गी बड़े नेड़ेआ दिक्खने-जीने दा मौका मिलेआ, जिसदे प्रभाव गी इ'दे लेखन च मसूसेआ जाई सकदा ऐ। पर साहित्य-लेखन इ'नें सेवा-निवृत्त होने दे बाद, सट्टे ब'रें दी प्रौढ़ अवस्था च शुरू कीता। बेशक इ'नें अपने लेखन दी शुरुआत कविता विधा कन्नै कीती पर गद्य च बी इ'दी कलम गी म्हारत हासल ही। इ'दा अपना लेख-संग्रह 'गुंगी धरती दा जिंदगीनामा' नांउ कन्नै सन् 1989 च प्रकाशत होआ। संग्रह दे लेख डुगर दे प्राकृतिक, भगोलिक, सांस्कृतिक परिवेश ते डोगरा जनजीवन गी बंदेरे न। डोगरी संस्था जम्मू दे आफिस सैकटरी दे तौरा पर इ'नें डोगरी दी बड़ी सेवा कीती। एह साहित्य ते संस्था दे कम्में ते गतिविधियें राहें पूरी निश्ठा कन्नै डोगरी दी सेवा करा दे हे जे किश कसरी होई गे ते थोहड़ा चिर मांदगी पाने परेंत 1994 ब'रे च इ'दा सुर्गबास होई गेआ। पर अपने साहित्यक जोगदान राहें एह अज्ज बी साढ़े कन्नै न। डोगरी कविता ते गजल दे खेतरा च इ'दे चार संग्रह- किरण (कविता-संग्रह), इंधर धनख (कविता ते गजल-संग्रह), सरगम (कविता ते गजल-संग्रह) ते रतू दा चानन (गजल-संग्रह) डोगरी साहित्य दा अनमुल्ला हिस्सा न।

सन् 1963 च रामलाल शर्मा हुंदा पैह्ला कविता-संग्रह 'किरण' छपेआ, जिस पर इ'नेंगी रियासती कल्चरल अकैडमी दा पुरस्कार मिलेआ। इ'नेंगी इ'दे गजल-संग्रह 'रतू दा चानन' आस्ते बी सन् 1988 दे साहित्य अकादेमी पुरस्कार कन्नै सम्मानेआ गेदा ऐ। इसदे इलावा इ'दे साहित्यक योगदान लेई डोगरी संस्था जम्मू पासेआ इ'नेंगी पैहली बारी सन् 1981 च ते डोगरी भाशा ते डोगरी संस्था गी इ'दियें सेवाएं लेई दूई बारी डोगरी स्वर्ण जयंती ब'रे दे सिलसिले च 1994 ब'रे च सम्मानत कीता गेआ।

2024

मार्च MARCH

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

8 महाशिवरात्री

25 होली

29 गुड फ्राइ डे

अप्रैल APRIL

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

9 पैह्ला नराता

11 ईद-उल-फितर

13 बसाखी

14 अम्बेडकर जयंती

16 बाहवे दा मेला

17 रामनौमी

21 महावीर जयंती



डोगरी संस्था जम्मू



ओ.पी. शर्मा 'सारथी'

ओ.पी. शर्मा 'सारथी' (1933-2002)

बहुमुखी प्रतिभा दे मालक ओ.पी. शर्मा 'सारथी' हुंदा जनम 19 अप्रैल 1933 च मटन, कश्मीर च होआ, पर इंदे पुरखे अंब गरोटा दे हे। सारथी होरें साहित्य-लेखन दी शुरुआत उर्दू च कहानियां, ड्रामे ते गजलां लिखने कत्रे कीती। इंदियां गजलां समें-समें पर 'रफ्तार' समाचार पत्र च छपदियां रौहदियां हियां। पर सन् 1960 च प्रो. रामनाथ शास्त्री हुंदे सम्पर्क च औने दे बाद इनें डोगरी च बी लिखना शुरू करी दित्ता। सारथी होरें उर्दू, हिंदी, पंजाबी ते डोगरी च कविता, कहानी, उपन्यास, नाटक बगैरा हर विद्या च रचनां कीतियां ते अपनी पन्थान बनाई। इसदे इलावा चित्र, संगीत ते फोटोग्राफी दी कला च बी इंदे खास रुझान ते चेचा जोगदान रेहा ऐ। डोगरी च ओ.पी. शर्मा सारथी होरें सुक्का बरूद, लोक गै लोक, पागल दा ताजमैहल, यात्रा (4 कहानी-संग्रह), तंदां (काव्य), परतां (नज़में ते गजलें दा संग्रह), मकान, त्रेह समुंदर दी, रेशम दे कीड़े, नंगा रूक्ख, पत्थर ते रंग (5 उपन्यास), मंचन ते चिंतन (दो निबंध-संग्रह) बगैरा रचियै डोगरी साहित्य दी हर विद्या गी सगोसार कीता।

इंदियां त्रे कताबां- सुक्का बरूद, रेशम दे कीड़े, पत्थर ते रंग पर जम्मू-कश्मीर कल्चरल अकैडमी अवार्ड कत्रे ते नंगा रूक्ख साहित्य अकादेमी अवार्ड कत्रे सम्मानत न। इसदे इलावा, इंदी साहित्य-सेवा मूजब समें-समें पर इनेंगी केइयें संस्थाएं आसेआ बी सम्मानत कीता गेआ। व्यंग ते व्यंजना सारथी हुंदे लेखन दी टकोइदी पन्थान ऐ ते एह टकोहद इंदे गद्य ते पद्य-दौनें च बराबर मजूद लभदी ऐ।

2024

मेई MAY

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

1 राष्ट्री मजदूर दिन

10 परशूराम जयंती

23 बुद्ध पुन्नेआं

जून JUNE

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

14 धमदेंऽ


17 - 18 ईद-उल-जुहा

21 अंतरराष्ट्री योग दिन

22 कबीर जयंती, मेला सुद्धमहादेव



डोगरी संस्था जम्मू



पद्म देव सिंह 'निर्दोष'

पद्म देव सिंह 'निर्दोष' (1940-1994)

डोगरी दे मन्ने-परमन्ने दे कवि पद्म देव सिंह 'निर्दोष' हुंदा जनम 13 अप्रैल 1940 गी तसील अखनूर दे ग्रांड कलीठ च कर्नल शिवराम सिंह हुंदे घर होआ। इं'दा बचपन बड़े लाड-प्यार ते ऐशो-अराम च गुजरेआ। बचपन च एह अपने पिता जी हुंदे थमां रामायण दियां चपाइयां सुनदे हे, जिसकरी इ'नेंगी गाने ते लिखने दा शौक पैदा होआ हा। इं'दी पैहली रचना 1966 च उर्दू दे साप्ताहिक अखबार 'चनाब' च छपी ही। केहरि सिंह 'मधुकर' ते चरण सिंह हुंदे सम्पर्क च औने दे बाद इ'नें डोगरी च लिखना शुरू कीता ते सन् 1979 च फौजा चा रिटायर होने दे बाद इ'दे लेखन च तेजी आई। इं'दा कविता-संग्रह 'खलार सोचें दा' सन् 1989 च प्रकाशत होआ जिस च किश गीत, कवितां ते 28 गजलां संकलत न। इं'दी कविता दा मुख्क विशे शंगार रेहा ऐ। संजोग ते वियोग, दौनें पक्खें दा सूक्ष्म चित्रण इं'दे काव्य दी टकोहदी विशेशता ऐ ते मानवीकरण, शब्द-योजना ते द्रिश्श-बिंब मनछूहने न। किश कवितां जीवन दियें कोमल, पर गुंझली-पलची दी तंदें दी बड़ी घनेरी बुनतर बंदेरदियां न।

निर्दोष होर डोगरी साहित्य संस्था अखनूर दे संस्थापक सदस्यें चा इक हे। इं'दे प्रयासें कन्ने अखनूर च साहित्यक गतिविधियें दा म्हौल बनेआ, जिसदे फलसरूप डोगरी भाशा ते साहित्य गी खासा बल मिलेआ ते इं'दे जोगदान गी दिखदे होई केई संस्थाएं इ'नेंगी मौके-मौके पर सम्मानत बी कीता।

2024

जुलाई JULY

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्करवार FRI	शनिवार SAT
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

5 गुरु हरगोबिंद जयंती

14 - 15 माता सरथल देवी यात्रा

अगस्त AUGUST

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्करवार FRI	शनिवार SAT
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

15 सुतंतरता दिन

16 मिंजरे दा मेला

19 रक्खड़ी


26 जनम अष्टमी, ठौगरें दा बरत

27 गुग्गा नौमी

30 बच्छ-दुआह



डोगरी संस्था जम्मू



रतन केसर

रतन केसर (1940-1996)

डोगरी दे हास्य कवि, कहानीकार, व्यंगकार रतन केसर हुंदा जनम 24 जुलाई 1940 ई. च म्हौर तसील दे थुरू कुंड ग्रांड च श्री रुद्रमणि केसर हुंदे घर होआ। पढ़ाई दे कन्नै-कन्नै इ'नेंगी ऐक्टिंग दा बी शौक हा। इक बारी गहार जित्तो (रियासी) नाटक-मंचन दे दौरान बख्शी गुलाम मुहम्मद होरें गी इ'दी ऐक्टिंग इन्नी पसिंद आई जे उ'नें इनाम दे तौर पर इ'नेंगी सरकारी खर्चे पर इंजीनियरिंग दी पढ़ाई लेई नागपुर भेजी दित्ता। रतन केसर होरें गी डोगरी साहित्य कन्नै लगाऽ स्कूली पढ़ाई दौरान गै होई गेदा हा। इ'नेंगी दीनू भाई पंत हुंदी कविता 'शैहर पैहलो पैहल गे' बड़ी पसिंद ही, जिसी एह बार-बार गांदे हे ते दीनू भाई पंत हुंदे थमां बड़े गै प्रभावत हे। एह सभाऽ दे बड़े हसमुख ते मजाकिया हे ते इ'दे सभाऽ दी एह खसलत इ'दे साहित्य च बी मजूद ऐ। केसर हुंदे अप्रकाशत साहित्य दे अनमुल्ले खजाने गी डोगरी संस्था जम्मू ने 'साहित्यकार रतन केसर' शीर्षक दे तैहत् प्रकाशत कीता। एह कताब त्र'ऊं भागें पर अधारत ऐ- पैहले भाग च 11 कहानियां ते त्रै लघु कथां न, दुए भाग च 7 लेख ते त्रिये भाग च 68 कवितां, गीत ते दोहे न। इ'दा सबूरा साहित्य नरोए हास्य-व्यंग कारण डोगरी साहित्य च अपनी टकोहदी पन्छान रखदा ऐ। कुन्नी, पेंडा, सस्ता राम ते रावण मैहंगा, एह अक्खां आदि कविताएं च जीवन दे खट्टे- मिट्टे अनुभवें दी अक्कासी होई दी ऐ।

2024

सितंबर SEPTEMBER

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

5 राष्ट्रीय शिक्षक दिन
16 ईद

11 दुब्भड़ी

23 महाराजा हरि सिंह जनम दिन

14 राष्ट्रीय हिंदी दिन


अक्टूबर OCTOBER

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

2 गांधी जयंती, लाल बहादुर शास्त्री जयंती, 3 पैहला नराता
12 महानौमीं, बाह्वे दा मेला
12 दशैहरा 17 वाल्मीकि जयंती 20 करवा चौथ 24 होई 26 विलय दिवस



डोगरी संस्था जम्मू



गोगा राम 'साथी'

गोगा राम 'साथी' (1929-1984)

कवि गोगा राम 'साथी' हुंदा जनम 13 अप्रैल 1929 ई. गी श्रीनगर च होआ हा। साथी होर कोई पं'जे ब'रें दे गै हे जे इ'दी माता जी दा सुर्गवास होई गोआ ते इ'दा बचपन ताए-ताई हुंदी दिक्ख-रिक्ख च बीता करदा हा जे 10 ब'रें दी बरेसा च पिता जी दी बी मृतु होई गई। जतीम होई जाने करी साथी हुंदी पढ़ाई नेई होई सकी। पर इ'नें जेहूड़ी थोहूड़ी-मती पढ़ाई कीती, ओह फौजे च भरथी होने पर गै कीती। 'साथी' होर हिंदी, डोगरी, उर्दू ते पंजाबी पढ़ी लैदे हे। इ'नें कविता लिखना सन् 1945 ई. च शुरू कीती। एह अपनी कविताएं गी ज्यौड़ियां दे मास्टर श्री सुभाष चंद्र शर्मा हुंदे कोला दरुस्त करोआदे हे। 'साथी' होर ज्यौड़ियां दे 'रामा कृष्णा क्लब' दे मशहूर कलाकार बी हे। इ'नें 'ढौंदियां कंधां' ते 'सरपंच' नाटकें च शैल भूमिकां नभाई दियां न ते गांदे बी बड़ा शैल हे। साथी' हुंदा पैह्ला कविता-संग्रह 'शहीदें आह्ला ज्यौड़ियां' सन् 1953 च प्रकाशत होआ। एहदे च 25 गीत हे। दिक्खने आली अक्ख नेई (कविता-संग्रह) सन् 1972 च, हिरखी धागे सन् 1981 ते मनेआदी आला सन् 1985 च प्रकाशत होए, एह त्रैवै संग्रह संस्था दे प्रकाशन न। मनेआदी आला, एह मुक्तक काव्य, साथी हुंदे सुर्गवास होने दे बाद प्रकाशत होआ। इस च चौहदें-चौहदें पंगतियें दे 58 पद न। नारी दी बेकदरी, बधदी अबादी बारै चिंता, जमाखोरी, दखावे ते पखंडे पर चोट, देशभगती दा जज्बा, करसानें गी नमीं राही-बाही आस्तै प्रेरणा आदि इ'दी कविताएं दे प्रमुख विशे न। इ'दा काव्य डोगरी साहित्य दे बगीचे गी इक चेचा गोहाड़ बख्शने आह्ला ऐ।

2024

नवंबर NOVEMBER

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

1 देआली
15 गुरु नानक देव जयंती, झिड़ी दा मेला

3 टिकका/भ्रा दूज

14 राश्ट्री बाल दिन

दिसंबर DECEMBER

ऐतबार SUN	सोमवार MON	मंगलवार TUE	बुद्धवार WED	बीरवार THU	शुक्रवार FRI	शनिवार SAT
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

22 डोगरी मानता दिन

25 क्रिसमस डे